

MEMORIA XUSTIFICATIVA

Francisca Gómez Santos, secretaria xeral técnica da Consellería de Política Social e Xuventude, **DECLARA:**

1. Que esta Consellería de Política Social, ten previsto formalizar unha nova adenda ao Convenio de cooperación asinado con data 8 de febreiro de 2018 entre a Consellería e a Universidade de Vigo, para a realización de prácticas académicas externas do estudiantado da Universidade de Vigo.

Na nova ordenación das ensinanzas universitarias oficiais, introducida, por exixencias do proceso de construción do Espazo Europeo de Educación Superior, na Lei orgánica 6/2001, de 21 de decembro, de Universidades, en virtude da súa modificación pola Lei orgánica 4/2007, de 12 de abril, e desenvolvida polo Real decreto 1393/2007, de 29 de outubro, polo que se establece a ordenación das ensinanzas universitarias oficiais, púxose unha especial énfase na realización de prácticas externas polos estudantes universitarios, previndo que os plans de estudos de Grao deberán conter «toda a formación teórica e práctica que o estudante deba adquirir», entre a que se menciona «as prácticas externas» (artigo 12.2), e que «si se programan prácticas externas, estas terán una extensión máxima de 60 créditos que deberán ofrecerse preferentemente na segunda metade do plan de estudos» (artigo 12.6).

Neste mesmo senso, o Real decreto 1791/2010, de 30 de decembro, polo que se aproba o Estatuto do Estudante Universitario, recolle no dito Estatuto, concretamente no seu artigo 8, entre outros, o dereito específico dos estudantes de Grao a «dispor da posibilidade de realización de prácticas, curriculares ou extracurriculares, que porán realizarse en entidades externas e nos centros, estruturas ou servizos da Universidade, segundo a modalidade prevista e garantindo que sirvan á finalidade formativa das mesmas» (letra f) e a «contar con tutela efectiva, académica e profesional, no traballo de fin de grao e, no seu caso, nas prácticas externas que se prevexan no plan de estudos» (letra g).

Con maior detalle, o artigo 24 do dito Estatuto regula as prácticas académicas externas, as súas clases e as súas características xerais, así como a extensión da súa realización a todos os estudantes matriculados en calquera ensinanza impartida polas universidades ou centros adscritos as mesmas.

Aos efectos de desenvolver a regulación das referidas prácticas académicas externas, aprobouse o Real decreto 592/2014, de 11 de xullo, polo que se regulan as prácticas académicas externas dos estudantes universitarios, o cal constitúe a norma básica na materia.

As prácticas académicas externas configúranse como unha actividade de natureza formativa realizada polos estudantes universitarios e supervisada polas universidades, cuxo obxectivo é permitir aos mesmos aplicar e complementar os coñecementos



adquiridos na súa formación académica, favorecendo a adquisición de competencias que lles preparen para o exercicio de actividades profesionais, faciliten a súa empregabilidade e fomenten a súa capacidade de emprendemento.

Ao abeiro do exposto, a Consellería de Política Social e a Universidade de Vigo asinaron con data 8 de febreiro de 2018, un Convenio de colaboración para a realización de prácticas académicas externas por parte dos alumnos da Universidade en diversos centros e dependencias da Consellería. Os estudantes en prácticas non recibirán ningunha contraprestación económica por parte da Consellería.

O convenio aplicase a unha serie de titulacións directamente vinculadas cos eidos materiais competencia da Consellería:

Grao en Educación Social

Grao en Traballo Social

Grao en Dereito

Grao en RRL e RRHH

Mestrado en Intervención Multidisciplinar na Diversidade en Contextos Educativos

Mestrado en acceso á Avogacía

Mestrado en situación de desprotección e conflito social.

Ao abeiro do dito convenio ás prácticas poden ampliarse en relación a outras titulacións que garden relación coas prestacións competencia da Consellería de Política Social. Así, a proposta da Universidade e no marco do convenio con data 17 de xaneiro de 2022 asinase unha adenda pola que se incorpora unha nova titulación ao dito convenio, concretamente o Grao en Enfermería, como unha cualificación con posibles saídas profesionais no campo da labor asistencial nos centros de atención ás persoas maiores e persoas con discapacidade.

Por outra banda, na cláusula decimo sétima recolle a vixencia do instrumento de cooperación que comprende catro anos a contar dende a data da súa sinatura. O que será o 8 de febreiro de 2023 as partes acordaron prorrogar a vixencia do convenio por un período de 4 anos.

O Real Decreto-lei 2/2023, do 16 de marzo, de medidas urxentes para a ampliación de dereitos dos pensionistas, a redución da brecha de xénero e o establecemento dun novo marco de sustentabilidade do sistema público de pensións, engadiu unha nova disposición adicional quincuaxésima segunda no texto refundido da Seguridade Social, aprobado polo Real decreto legislativo 8/2015, do 30 de outubro, no que se regula a inclusión no sistema da Seguridade Social do alumnado que realice prácticas formativas ou prácticas académicas externas.

De acordo con esta disposición, a realización de prácticas formativas en empresas, institucións ou entidades incluídas en programas de formación, e a realización de prácticas académicas externas ao abeiro da respectiva regulación legal e



reglamentaria, determinará a inclusión no sistema da Seguridade Social das persoas que as realicen nos termos desa disposición adicional.

Este novo réxime entrou en vigor o día 1 de xaneiro de 2024.

Por todo o indicado, faise necesario tramitar unha addenda no convenio asinado entre a Consellería e a UDV que recolla a quén lle corresponde asumir as obrigas relativas á cotización á Seguridade Social do alumnado en prácticas.

Ambas partes acordan que a inclusión no réxime xeral da Seguridade Social do estudantado que realice prácticas académicas externas rexerase polo establecido na disposición adicional quincuaxésima segunda do Real decreto 2/2023, do 16 de marzo, e polo desenvolvemento normativo establecido pola Tesouraría Xeral da Seguridade Social (TXSS). En todo caso, desde o 1 de xaneiro de 2024, a Universidade asumirá a cotización e tramitación da alta na Seguridade Social do alumnado que realice prácticas curriculares non remuneradas.

Ningunha das partes asinantes vai asumir as obrigas en materia de seguridade social relativas ás prácticas extracurriculares ou curriculares non remuneradas, polo que mentras esta adenda ao convenio se manteña vixente soamente poderanse establecer prácticas curriculares non remuneradas.

O Real Decreto-lei 2/2023, do 16 de marzo, de medidas urxentes para a ampliación de dereitos dos pensionistas, a redución da brecha de xénero e o establecemento dun novo marco de sustentabilidade do sistema público de pensións, engadiu unha nova disposición adicional quincuaxésima segunda no texto refundido da Seguridade Social, aprobado polo Real decreto legislativo 8/2015, do 30 de outubro, no que se regula a inclusión no sistema da Seguridade Social do alumnado que realice prácticas formativas ou prácticas académicas externas.

De acordo con esta disposición, a realización de prácticas formativas en empresas, institucións ou entidades incluídas en programas de formación, e a realización de prácticas académicas externas ao abeiro da respectiva regulación legal e reglamentaria, determinará a inclusión no sistema da Seguridade Social das persoas que as realicen nos termos desa disposición adicional.

Este novo réxime entrará en vigor o día 1 de xaneiro de 2024.

Por todo o indicado, faise necesario tramitar unha addenda no convenio asinado entre a Consellería e a USC que recolla a quén lle corresponde asumir as obrigas relativas á cotización á Seguridade Social do alumnado en prácticas.

Ambas partes acordan que a Universidade asumirá a cotización e tramitación da alta do estudantado na Seguridade Social, agás no que se refire ao estudantado dos centros adscritos, xa que neste caso será o propio centro o que asumirá esta obriga.

Ao respecto, existe converxencia de intereses entre as entidades asinantes en abordar a presente addenda en orde á consecución dos obxectivos establecidos no instrumento de cooperación educativa.



2. Sobre á natureza da procedencia do instrumento convencional, no artigo 7 de antedito Real decreto 592/2014, de 11 de xullo, establece que para a realización das ditas prácticas externas, as universidades e, no seu caso, as entidades xestoras de prácticas a elas vinculadas, subscribiranse convenios de cooperación con entidades colaboradoras previstas no seu artigo 2.2, entre elas as administracións.

Os ditos instrumentos de cooperación configúranse como o marco regulador das relacións entre o estudante, a entidade colaboradora e a universidade e, no seu caso, a referida entidade xestora das prácticas, establecendo o dito Real decreto, as estipulacións que os deban integrar.

Así o exposto e os intereses converxentes das partes asinantes exclúen o ánimo de lucro determina que o obxecto da cooperación non poden satisfacerse axeitadamente mediante a celebración dun contrato ao abeiro da Lei 9/2017, do 8 de novembro, de contratos do sector público, polo que se traspoñen ao ordenamento xurídico español ás Directivas do Parlamento Europeo e do Consello 2014/23/UE e 2014/24/UE, do 26 de febreiro de 2014.

En atención ao indicado, e a fin de dar cumprimento ao preceptuado no artigo 15.2 da Lei 1/2016, do 18 de xaneiro, de transparencia e bo goberno, estímase xustificado o recurso á sinatura da addenda ao convenio de cooperación que se pretende, nos termos do dito convenio, coa exclusión doutras figuras.

E para que conste, asínase esta memoria, en Santiago de Compostela na data da sinatura dixital.

